

h a r i a r i t i r a k a

MIKEL BUJANDA

Euskalerria Irratiko zuzendaria



«Iruñerriko euskaldunen eskubide bat aitortuko luke baimenak»

*Iruñerriko Euskalerria Irratiak
X. urtemuga ospatu eta
Larreko Saria emanen dio
Nafarroa Behereko Irulegiko
Irratiari gaur gauean.*

■ Hamar urte bete eta orain- dik lizentziaren zain?

Bai, baina bitartean aurrera egin dugu, ez gara itxaronaldian gelditu. Gogo onez hartuko genuke gaurko ospakizunerako beste arrazoi bat; hala ere, oraindik ez da Nafarroako Gobernuaren erantzunik iritsi. Dena den, ospakizunerako motiborik ez zaigu falta.

■ Baimena eskuratuz gero, zer aldatuko litzateke?

Eskubide baten aitortpena ekarriko luke baimenak. Eskubidea esaterakoan ez diot irratiairena bakarrik, baizik eta oro har Iruñerriko euskaldunek merezi duten eskubideari buruz ari naiz. Europako Hizkuntza Gutxituen Karta onartu zen joan den ostiralean Nafarroako Legebiltzarrean, eta agiri horrek berak komunikabideak edukitzeko eskubidea aitortzen die hizkuntza gutxituen komunitateei.

■ Eta lizentziarik ez badi- zuete ematen?

Ez dugu hipotesi hori planteatu nahi, baina horrelakorik gertatuz gero aurrera jarraitzeko asmotan gara.

■ Hamar urteotako lorpen nagusia zein izan da?

Lorpen nagusiak etortzeko daudenak dira. Hasierako asmoa Iruñerriko euskaldunak elkartzeko gunea izatea zen, eta hori da lortzeko bidean daukaguna. Zerbitzua hobetzeko asmoa eta nahia. Etorkizuna etortzeko dago, baina ez dugu zain egon beharrik, etorkizuna egin eta eraiki egiten da, egunez eguneko lanean; irratian horrela egiten dugu.

Eli Eraso
IRUÑEA

Euskara ikasi nahi dugu

Tolosako Arramele AEK euskaltegiko ikasleak gara eta gutun honen bidez azken gertaerak salatu nahi ditugu.

Euskara urtean zehar erasoak jasaten ari da, eta uste dugu nahikoa dela. Nahiko zaila da euskara ikastea, oztopo gehiago jartzeko.

Gu pertsona helduak gara eta erabaki dugu non eta nola ikasi nahi dugun, eta pentsatzen dugu eskubide guztia daukagula.

Urte osoan zehar dinamika eta giro jatorra izan dugu, bai klaseetan eta baita kanpoko ekintzetan ere, eta esan nahi dugu gure helburu bakarra euskara ikastea besterik ez dela. Bide horretan lagun ditugun irakasleei gure elkartasuna adierazi nahi diegu.

Guk egiten duguna ikus dezazuen gonbidatzen zaituztegu hona etortzera euskara ikastera eta gure giroa ezagutzera.

• Dori Viloria

(Arramele AEK euskaltegiko
ikasleen izenean)

TOLOSA (GIPUZKOA)

Euskaldunon eskubideak bermatuz

Aspalditik ardiz moztortutako otsoak ari dira Euskal Herria zirikatzen eta euskaldunen izaera eta pentsaera zapuztu nahian. Baina okerrean, eraso honi erantzunik ez ematea eta gure isiltasunagaz onartzea litzateke.

Horrexegatik, euskaldunak garenez eta nahi dugunez izan, Garzonek eta PPkoek AEKri egiten dizkieten erasoek kontra agertzen gara, eta bertoko beste alderdi, sindikatu zein erakunde zapaltzaile eta Euskalduntasuna gorrotatzen dituztenak ere salatu nahi genituzke. Honetarako nahiko da AEK elkartearen Euskal Herria Euskalduntzeko eguneroko lana gogoratzea.

Guzti honegatik Txo-Hiesaren eta GIB/Hiesarekin bizi garenon elkartasuna bai AEKrekin eta ikasle zein irakasleak adieraztea nahi genuke, eta dei egiten diegu Euskaldun guztiei, giza mugimenduei, elkartei, eta abarrei, adieraz dezaten beraien elkartasuna eta laguntza AEKrekin.

Gorka Knörr



Gernikatik Stormont-era

Hernaniko alkatea den Jose Antonio Rekondo-k artikulu argi eta mamitsu bat argitaratu du lehengo astean, Stormont-eko akordioak eta HBk ustez akordio horretaz halako hausnarketa publiko bat egiteko hilabete honetan martxan jarri nahi izan duen mintegiaz. Rekondoren esanetan, Euskalerrian bake-prozesuaren inguruko akordio bat gauzatu dadin, Ulsterren erabili duten bidea aztertu eta jarraitu beharko genuke, eta, irlandarrek egin bezala, giza-integrazioa bultzatu, gero, erakundeen esparruan akordio politikoa gauzatu ahal izateko.

Euskal Herrian Euskaraz eta Osasuna.
Musu bat eta aurrera!

• Josu Imanol Unanue
(Txo-Hiesaren izenean)

BERMEO (BIZKAIA)

Intsumiso izateagatik zigortuak

Jon Todor Zelaia ondarrutar intsumisoa berriz kartzelan. 1997an epaileak jarri zion kondena bete ondoren kalean zegoen bere ohizko lanean, eta orain 1998an urte bete pasa ondoren 3. gradua apurtu zuela eta hilabete t'erdirako barrura sartu dute. Nola liteke?

Gure herrian orain dela 3 aste intsumiso

bi kateatu ziren bake epaitegian, bilatze eta harrapatze agindupean zeuden biak. Bertara agertu zen Eusko Alkartasunako zinegotzi den M^a Tere Txakartegi, eta adierazi zigun erabat bukatua dagoela intsumisioaren arazoa eta muntaia hutsa egiten ari zirela bi kateatuak.

Errealitatea, ordea, askoz ere garrantzagoa da. Arazoa bere baitan bizi duenak ez du horrela hitzegiten.

Ni bi intsumisoren ama naiz eta bietako bat sententziaren zain dago. Beldur naiz. Ez nuke nahi nire semeek Jon Todor gazteak jasan behar izan duena inolaz ere pairatzetik.

• M^a Angeles Burgoa Arkotxa

ONDARROA (BIZKAIA)



s e i k o u r r e a



HBk, ordea, nahiz eta Stormont-eko fetitxea behin eta berriro erabili, ez da bide hor-
tatik abiatuko den inongo aztarnarik era-
kusten ari. Giza-integrazioa bilatu behar-
rean, behin eta berriro ari baita batzuk eta
besteak elkarrengandik urrundu gaitzake-
en edozein aitzakiaren bila. Hori horrela da,
nahiz eta aitortu behar dugun konfronta-
zioa bilatzen duten bakarrak ez direla, ez
baitaiguz falta espainiar nazionalismoaren
sailean zauri horri gatzat bota nahi duenik.
Baina kontua da, gure gizartea terrorismoa-
ren aurka eta edozein indarkeriazko jokaera
baztertzearren eta elkarrizketarako proposa-
mena defendatzearren alde dagoen bitarte-
an, HBk ez duela sektarismoaren bidetik
aldentzeko inolako borondate garbirik aget-
zen.

Gauzak horrela, argi eta garbi azaltzen
zaigu gure gizartearen baitan giza-integra-
zioa bultzatzeko eta elkarrizketaren bideak
urratu nahian martxan jarri diren ekime-
nak indartzeko beharra dagoela; Ulsterren,
horrek ondorio ezin estimagarriagoa ekarri
baitzuen, alde bateko zein besteko paramili-
tarren sostengu soziala murriztuz. Kolekti-
bo diferenteen ekimenak eta Ajuria-Eneko
mahai-inguruan biltzen diren buruzagien
jokaera garbi eta zalantzarik gabea ezinbes-
tekoa zaizkigu, beraz.

Gizartea, eta bere buruzagiak lehen-
lehenik, bide hortatik joanez gero, ez dut
dudarik egiten egunen batean akordio poli-
tiko bat gauzatuko denik. Aldiz, HBk propo-
satutako Stormont-eko akordioari buruzko
foroa-k ez garamatza akordiora, eurak hain
eroso sentitzen diren konfrontaziora baizik,
ez baitiote bere buruari sekula planteatu
Sinn Féin-ek eman duen pausorik ematerik,
negoiazioaren fetitxea astintzea baino.
“Han negoziatu egin dute, eta hemen ukatu
egiten zaigu” ari dira aldioro esaka, han
negoiazioa zergatik posible gertatu den
esplikatu gabe, noski.

Konfrontazioaren bidetik ez goaz inora.
Ezta Stormont-eko akordioa zergatik posi-
ble izan ote den ezkutatzuz ere. Ezta ere,
Gernikakoa gertatuz gero, zenbait alderdi
eta buruzagi abertzaleri, militante abertzale-
leen atxiloteta eta erailteza leporatuz (bes-
teak beste, pertsona batzuk akabatze-
ko, abertzale batzuk ere barne, prest zeuden
militante abertzaleak, bide batez). Bitez
ongi etorriak HBk antolatu nahi dituen
mintegiak oro, baina benetakoak, eta ez
normalean ematen duten edozein pren-
tsaurrekotan botatzen dituztenak botatze-
ko antolatutako plataforma mediatikoak.
Hitza eta elkarrizketa beharrezkoak baititu-
gu; sobra, berriz, oihua. Eta are sobrago,
pistolak.